

Inatsisartut ukiakkut 2017-imi ataatsimiinneranni Naalackersuisut, aallarnisaasunut suliffeqanillu ingerlatsisunut, aningaaserivitsigut aqqudit naliginnaasut atorlugit attartorsinnaangitsunut, annikittunik taarsigassarsisitsinermik ukiuni sisamani misiliinissaq anguniarlugu, Inatsisissamik saqqummiussinissamik peqquneqarnissaannik aalajangiiffigisassatut siunnersuut. Misiliinerup nalaani Aningaasanut Inatsimmi ukiut tamaasa siunertamut 500.000 kr.-nik immikkoortitsisoqartassaaq. Taarsigassarsiat killilimmik annertussuseqartassapput soorlu 20.000 kr.-iniit 100.000 kr.-inut. Inatsisissatut siunnersuummi ernialersukkanik taarseraanissamik periusissaq ilanngunneqassaaq, pisortat annaasaqarsinnaanerit killilersimaarusullugu. Tamatuma saniatigut Inatsisissatut siunnersuut misileraanerup naanerani nalilersuinissamik piumasaqaammik ilaqassaaq.
(Inatsisartunut ilaasortaq, Naaja H. Nathanielsen, Attaviitsoq)

Akissuteqaat

(Inuussutissarsiornermut, Suliffeqarnermut, Niuernermut Nunanullu Allanut Naalackersuisoq)

Siullermeerinnineq

Naalackersuisut sinnerlugit Inatsisartunut ilaasortaq Naaja H. Nathanielsen aalajangiiffigisassatut siunnersuuteqarneranut qutsavigaara.

Aallarnisaasunut killiliinissamat piumasaqaatinik pitsaasunik pilersitsinissaq Naalackersuisut inuussutissarsiornermut politikianut ilaavoq pingaaruteqartoq, tassami taakkua inuussutissarsiornermik ineriartortitseqataasussaapput suliffissanillu pilersitseqataasussaallutik.

Inatsisinik, aallarnisaasunut aamma suliffeqarfinnut pioreersunut aningaasaqarnikkut pitsaanerusunik periarfissaqartitsinissamik siunertaqartunik, peqareerpoq. Nunami inuussutissarsiutinut tunngatillugu inuussutissarsiornermik siuarsaaneq pillugu Inatsisartut inatsisaat nr. 20, 3. december 2012-imeersumi siunertaavoq tapiisarnermut aqqissuussat atorlugit aallarnisaasunut aningaasaqarnikkut atugarisaannik pitsaanerulersitsinissaq, aallarnisaasunut suliffeqarfimmini aallartinnissamat aningaasaqarnikkut oqinnerulersitsinissamik. Inatsimmi tunisassianik ineriartortitsinissamat aamma naafferaartumik tapiiffigineqarneq, kiisalu suliniummut ataatsimut 300.000 koruunit tikillugit suliassaqaarfinnut aalajangersimasunut tapiisarnissaq ajornarunnaarsinneqarpoq.

Naalackersuisut aqqissuussat atuutereersut ingerlaavartumik naleqqussartarpaat, taamaalillutik taakkua sapinngisamik pitsaanerpaamik aallarnisaasunut tunngavissiissallutik.

UPA2016-imi inuussutissarsiutinik siuarsaaneq pillugu inatsimmut allannguutissamik Naalackersuisut saqqummiissapput, taamaalilluni immikkut aallarnisaasunik ineriartortitsinermik ingerlatsisarnissamik pilersitsinissamat inatsisitigut

tunngavissiisoqassalluni. Aallarnisaasunik ineriartortitsinermut taamatut ingerlataqarnissamut siunertaavoq, suliffeqarfiup siuariartornissanut suliffissanillu pilersitsinissamut periarfissai tunngavissinniarlugit, piffissap ukiunik 1-2-inik sivisussuseqartup ingerlanerani aallarnisaasut arlallit immikkut aallunneqartumik ilitsersorneqartarnissaasa tapersorneqartarnissaasalu qulakkeerniarlugu.

Aallarnisaasunik ineriartortitsinermik ingerlatsinermi suliffeqarfinni ataasiakkaani ineriartornissamut siuariartornissamullu tapersorneqarnissamik pisariaqartitsineq aallavigineqassaaq. Tamatuma saniatigut, aallarnisaasunik ineriartortitsinermik ingerlatsinerit Kalaallit Nunaat tamakkerlugu aallarnisaasunut suliatigut inuussutissarsitugalugulu ingerlatsinikkut attaveqatigiinnermik pilersitseqataassasut ingerlatseqataassasullu, taamaalillunilu ilisimasanik misilittakkanillu immersoqatigiittarnissap qulakkeerneqarnissaa siunnerfigineqarluni.

Tapiisarnermut aaqqissuussat, Greenland Business-imit allaffissornikkut aqunneqartut, taaneqareersut saniatigut Naalakkersuisut ukiuni kingulliunerusuni nunaqarfinni isorliunerusunilu inuussutissarsiornerup ineriartortinneqarnissaa immikkut iliuseqarfigaat. Suliniuteqarnerup taassuma ilaa kommunit suliniutinik tapiissutinik pissarsiffigisaminnik piviusunngortitsinissamik suliaqartuusussat qanimut suleqatigalugit ingerlanneqarpoq. Aaqquussaaq 2016-imi ingerlateqqinneqarpoq. Suliniuteqarnerup taassuma ilaa tassaasimavoq nunaqarfinni isorliunerusunilu tunitsiveqarnikkut periarfissaqarnerit pitsannorsarneqarnissaannut Aningaasanut inatsimmi 5 mio. koruuninik ataatsimoortunik aningaasaliissuteqarneq. Ataatsimoortunik aningaasaliineq 2016-imi ingerlateqqinneqarpoq, aammalu suliffeqarfiit nutaat taamatullu pilersinneqareersut, sumiiffinni killilimmik inuussutissarsiornermik ineriartortitsiviusuni tunitsivinnik tunisassiorfinnillu ingerlatsinissamut tapiiffigineqarnissamut periarfissaqalersillugit.

Tamatuma saniatigut Nordisk Investeringsbank, Europæiske Investeringsbank aamma Danmarkimi Siuariartortitsinermut aningaasaateqarfik (Vækstfonden i Danmark) aqutugalugit taarsigassarsinnaanermut periarfissaq Naalakkersuisut qulakkeerpaat. Taakkua suliniutigineqarput suliniutinut angisuunut mikisunullu periarfissat sapinngisamik amerlanerpaajunissaat qulakkeerniarlugu.

Naalakkersuisut naliliipput maannakkorpiaq annikitsunik taarsigassarsititsisarneq pillugu nutaamik inatsisissatut siunnersuuteqarnissaaq pisariaqartinneqanngitsoq, aallarnisaasunut neqeroorutit assigiinngitsut arlallit atuuttut pigineqareermata

Taamatut oqaaseqarlunga siunnersuut itigartinneqassasoq inassutigaa.